

| | | | |
|------------|-------------------------------------------------|--------------|--------------------------|
| Headline | Masyarakat perlu peka nasib pesakit Aids | Language | Malay |
| Date | 21 Jul 2009 | Page No | S4 |
| MediaTitle | Sinar Harian | Article Size | 86 cm² |
| Section | Selangor & KL | Color | Black/white |
| Journalist | N/A | PRValue | 1,032 |
| Frequency | Daily | | |
| ADValue | 344 | | |



Masyarakat perlu peka nasib pesakit Aids

GOMBAK - Masyarakat dan umat Islam terutamanya perlu memainkan peranan dengan tidak menyisihkan golongan pesakit HIV/Aids.

Naib Ketua Pemuda UMNO, Datuk Razali Ibrahim berkata, pihaknya sentiasa memandang serius masalah seperti ini supaya mereka tidak dipinggirkan dan dapat membina satu kehidupan baru.

Menurut beliau, sebagai umat Islam, kita seharusnya peka dengan perkara ini dan tidak terus membiarkan mereka hidup dalam kesusahan.

"Kita tidak seharusnya

membiarkan mereka terutamanya yang beragama Islam berterusan di tempat itu dan tindakan selanjutnya perlu diambil dan di dalam Islam sendiri menggalakkan kita membantu sesama umat,"katanya kepada Sinar Harian, di sini, semalam.

Beliau berkata demikian ketika diminta mengulas laporan khas Sinar Harian 16 Julai lalu, mengenai pesakit HIV/Aids menjadikan gereja sebagai tempat perlindungan.

Razali yang juga Timbalan Menteri Belia dan Sukan berkata, pihaknya akan meminta biro yang menjaga Kebajikan

dan Agama UMNO untuk menyiasat lebih terperinci dan mencari jalan penyelesaian supaya mereka ini terus mendapat pembelaan dari UMNO yang sememangnya tidak pernah menyisihkan mana-mana pihak.

"Kita juga akan berhubung dengan Jabatan Kebajikan Masyarakat (JKM) untuk berbincang bantuan-bantuan yang boleh disalurkan kepada golongan terabit,"katanya.